



薊丘集卷之二十七

七言律詩七十三首

孫逸人見贈奉答

初春何事更愁予，獨坐還從水竹居。
每望青山悲對酒，強從白日讀殘書。
衝風鴻雁連天際，積雪山林隔歲除。
多少幽懷偏自苦，故人相憶定何如。

二

不見山人秋復春，寄書重媿傍風塵。
高懷林下

能相憶拙官年來不可論
買斧更無尋俗客負
薪誰復共幽人自憐舉措還堪笑
日日殷憂只
苦貧

送何侍御謫楚中

春曙雲開十二衢
江頭送客自踟躕
共言恩讜
成卑吏誰似危身
數上書
夢裡青蒲宮樹暗
愁
中白雪楚山踈
路人猶識乘驄使
莫是幽憂更
卜居

渡淮

江城隱隱淨塵氛
征棹初開日欲曛
綠樹遠浮
淮瀆水青山半濕
曲陽雲中流翠映
鼉鼉穴兩
岼遙明鷗鳥群
極目茫茫那能問
不知愁思頓
紛紜

潯陽夜泊

日夕征帆寂不喧
煙波一望接天翻
霞開廬嶽
孤峰浴雲照潯陽
萬里昏坐對山嵐
收別浦倒
聽江雨灑空村
三年兩度湓城路
蓬鬢羞招古
昔魂

彭蠡送人歸吉水

山樹山花自可憐，微雲遙淨半江天。
與君邂逅同萍梗，念我羈栖向別筵。
殘夜孤山千里月，歸人煙水五湖船。
依依回首鄉關遠，羨羨南風只尺前。

游石鍾山二首

天空雲白日初晴，千嶺嵯峨壓化城。
靈鷲自搖湖水影，芙蓉半掩石鍾聲。
屏開五色名山近，江湧雙峰隔岫明。
坐扣虛巖還自省，到來多少解

龜情

二

石鍾石砧菌草斑斑，蘿薜森疎尚可攀。
永日影中迷白霧，長江聲裡有青山。
飛鯨夜自銜花雨，泉客時來聽翠鬟。
為報祇林堪偃息，人間元自有禪關。

湖口同年許君招飲

江色山煙自滿帷，坐中終夕雨如絲。
三年恨別情堪老，一日追歡醉不辭。
烟散空江增客夢，雲

迷暮嶺使人思同門六翮誰能比握手尊前感
昔時

童子渡作

渡頭幽險草猶芳獨自栖遲向水鄉漠漠波濤
喧左蠡陰陰霖雨接鄱陽野航沾濕輕裝穩叢
樹扶踈古道長莫訝浮查迷近遠坐來苦自憶
滄浪

鄱陽禮成北還即事二首

湖清雨映獨停驂真王焚香徹御函日夕楓楠

迷渚曲雲深雞犬隱淮南孤懷謝絕囊堪盡岐
路踟樹酒欲酣三使名藩無寸補應知小節媿
朝簪

二

三年重向楚江行結纜中湖潦水生地主故憐
行旅久名藩應笑使君清囊無一物酬明聖
家隔羣山憶父兄道左壺飧何鄭重粗踈真誤
下交情

湖中雜興八首

夕霽殘霞照暮煙平湖萬里一帆懸冥冥波帶
湘江雨閣閣雲蒸吳楚天蘋藻對垂孤客淚松
楓獨發五更船鷗浮鳥狎還饒笑萍梗窮愁自
昔年

二

曙色青林露未乾輕舟澹灩出江干客從楚嶺
風塵倦天入鄱陽雲氣寒擊楫蓮房露幔濕鳴
榔翡翠避人難思家獨向蓬窓卧屢撫孤琴不
忍彈

三

露濕彭湖日氣深蒼茫真自感歸心哀猿一夜
啼高嶺旅客孤帆逗遠林毀壁詎因離水滢燹
犀寧復對蛟鱓樓船泛泛從飄泊鬢髮稀踈自
不禁

四

虛舟終日泛蒼茫蕭洒舒懷小洞房沆瀣中流
停霽景霏微孤嶼赴斜陽征帆何事愁行旅樽
酒猶能醉異鄉歌枕尊鱸悲滿目夢中真自識

荆湘

五

晴煙慘黯月初生，香覆新荷蔽楚城。
綠蟻苦思從好事，涼蟾真自逐人行。
半天水白鄱陽夜，夾岸雲寒彭蠡晴。
忽遇漁翁還叫嘯，支機何處近蓬瀛。

六

月殘霧聚共濛濛，倏忽湖開似鏡中。
亦有紫芝寒冷翠，頓教楓子雨新紅。
卷綃欲鼓天孫渚，解

佩應投河伯宮，何事乘查無祇是年來奔未只。
途窮

七

鄱陽夕望獨支頤，寂寞江聲萬里遲。
出浦月斜方返照，回船花蕊更相隨。
崎嶇泣望鄉溪路，款乃悲聞楚客詞。
浪說使星何處在，寄言倦旅莫相疑。

八

畫鷁歌斜草際浮，微茫四望使人愁。
遙峰天遠

應無影細雨湖深自不流
白日鳥啼驅旅夢青
林香淡覆孤舟潯陽
雙鯉憑誰寄終夕
悲歌散我憂

過蘭溪三河浦山水甚為秀異東峰有
亭子一區偶為題詠併屬表弟和之不
必主人

羣山面面歛清芬一片斜暉萬壑分
積翠漸消昨夜雨孤亭遙倚半江雲
淒清不羨金銀氣寂寞時來猿鶴群
惟有松筠渾自愛柴門空鎖絕

紛紜

過桐廬

赤亭香渺樹蕭蕭煙覆孤帆路更遙
島嶼參差隨落月空山隱顯出清潮
扁舟兼得尋幽險永夜誰為慰寂寥
舉目江關思獨苦歸心寧待楚辭招

夜渡錢塘

萬里波濤蕩夕煙歌斜時見一舟懸
潮聲暮作西湖雨海氣晴低百越天
旅思更憐中夜後壯

心羞對大江前挂帆多少尋幽興寂寞空樽長
不眠

訪人不值

佳哉森蔚遶林園層構雕楹芳色蕃春海幾家
迷鳥道夕帆此日向龍門聲名頓令丹梯重丘
壑寧知黃閣尊何事鄙人偏不偶懶回孤棹出
江村

真州許尹留宴城西竹園

孤城斜控大江流卜築應憐丘壑幽千里故人
能勸客一尊倦旅正悲秋秣陵雲近遮蓬戶瓜
步潮回滿竹樓聞道政成多勝事愛君不惜久
淹留

壬辰清明日獨坐

雨聲一夜滿城闔柳色東風散四鄰早旭池臺
偏自媚清明烟火不勝春柴門別有林中興簪
笏依然方外人只尺自應尋酒伴傾銀注瓦莫
辭頻

答吳宜僕見懷

蕭洒形容自索居每為永日閉空廬病中望絕
金莖露天外猶傳尺素書焦麥滿園新雪後枯
楊蔽地日斜初為誰揮淚霑衣袂龍性迢迢踪
跡踈

白羊城清泉口陪家大人驃騎諸公
宴

平楚東風日色新孤城清角自沾中那堪遠宦
成高宴共擁戎衣坐水濱滿野杏花紛白雪半
山飛瀑暗青春不才猶自堪乘障勞苦還消塞

上塵

清泉口西岍渡述懷

飛泉百道下平川莫是前朝飲馬泉攬轡自疑
還篋服開尊喜極奉纒韉封侯應自堪家世繫
虜還羞空少年燕頷龍頷歸大樹共知早着祖
生鞭

北山大覺寺

寺後有慧日閣龍池

上方石磴獨登臨眇眇高臺山氣深十丈晴雲
開積翠半空飛瀑散春陰憑欄尚辨神京道憶

昔惟餘祗樹林坐對龍池應有悟忘機真自洽
塵襟

遣興

澄徹秋空日未曛悲歌歎息有誰聞繫書不救
聊城將定策還須龍武軍御苑中宵開醮宴期
門何日策高勲菲才不為窮途泣獨對銅駝望
五雲

二

河西笳鼓久專征何事天驕更背盟萬里尚方

空賜劍五涼毳幕自連營秋高鐵騎黃塵合月
滿孤城侵氣明寄語老臣憂社稷莫教艸竊易
縱橫

壬辰九日小園遊覽

佳時寂寂掩柴關緩步空園自解顏隨意嶺雲
迷白日無邊古木蔽空山哀時忽促東征後攬
涕蕭疎北望間羽檄繁夷太輕肆樓船早為計
平蠻

二

忽逢九日不勝悲，詎是高秋動客思。
風物不妨憐舊俗，菊花真自艷當時。
小園嘹唳歸鴻聚，負郭熹微朝日遲。
聞說采芝堪服餌，興來真與白雲期。

病居荅人見訊

思君終日更幽居，況是高秋涼冷初。
請急誰能知我癖，招邀猶幸讀君書。
十年溪渚青雲隔，一夕松窓白月虛。
戎馬素飡應莫報，好將消息問江魚。

收復寧夏志喜二首

征西羽檄自迢遙，喜極音書傍近郊。
屬餽不妨停駟置，麾旌真自見嫖姚。
受降莫是元戎策，京觀誰言胡虜驕。
校戰聖明應白首，好將交讓答清朝。

二

捷書飛奏大明宮，一夕歡呼萬國同。
雷電詎能當突騎，妖星應自殞羣凶。
關河愁對戎衣緇，秦隴爭看旗幟紅。
近日度遼奇策少，征西鋒銳莫

辭功

送李中丞開府遼陽

殷殷笳鼓護旌旂、六月元戎初出師、自有河圖
驅虎豹、寧勞戈戟定蛟螭、北風翠幙胡塵靜、南
國樓船海錯奇、金墜菁茅蒙上賞、封侯幾歲不
須疑

題松溪圖

松溪老人卜居處、溪上高松長十尋、結翠百年
雨露色、幽懷一片歲寒心、樹藏甘露三花秀、水

近仙家數里深、竹杖芒鞋自來往、畫圖省識少
知音

順義村居題壁二首

鶯鴨喧喧滿四鄰、凍雲飛霰色粼粼、河魚盈尺
朝堪買、野菜啣花味更新、都尉坐看農事足、省
郎不恨寄居貧、更憐山縣神明宰、時復開尊向
野人

二

西望寒城煙色微、杖藜終日倚柴扉、霜黃落葉

連峰積月出昏鴉
遶樹飛踈放自憐
居白社狂愚差勝
在彤闈隔籬喚取
新菊酒芋羹杯香
醉不歸

送劉中丞開府武林

十年兄弟共持衡
此日新承節鉞榮
豈是江東多薄俗
故教朝宁出清卿
射潮白浪三千仞
橫海朱旗十萬兵
卉服鮫人莫桀驚
元戎真有古人情

送于文若尚寶自鄴之留都

綵筆如掾絕世無
西臺風采更應殊
堪從藩翰承新詔
坐佩銀黃向舊都
銅雀詎能留去旆
春江應自候前驅
何人不羨神仙署
悵望羈愁散遠途

臨漳閣望

鄴城春草碧層層
捲幔高樓漫自凭
薄宦不堪瞻北極
獨愁猶自望西陵
河分兩郡含雲氣
路入三臺半石稜
割據英雄竟何益
悲歌離思倍堪增

臨漳署中有懷却寄

春流春草滿山村，高閣迷瞻欲斷魂。
綠野漲空雲裏暗，白沙接樹雨中昏。
寸心唯有思千里，屬吏何須訝大藩。
報道故人無索笑，幽期心事不堪論。

臨漳雨中

登高獨坐思紛紛，遠望迢遙野色分。
一夜孤城吹暮雨，幾家茅舍入春雲。
蕭條坐對煙霞夕，嘈雜平看鳥鵲羣。
春色樓頭堪嘯歎，北山何事不

移文

二

滿目清漳去不回，徒令客思滿塵埃。
千秋壯志今何在，一夕窮愁自可哀。
山色稜稜橫萬里，樹聲夜夜向三臺。
還將歌舞憐銅雀，莫使年華空自催。

朱僊鎮

暮烟滿日草離離，駐馬荒郊落日遲。
往事不堪尋故壘，居人猶自說班師。
雲旗折戟迷秋野，白

露寒花擁古祠，惟有空村松栢樹。春來依舊發南枝。

封丘作

空畦歷落引村燈，驅馬蒼茫爽氣增。霞色東來橫朔漠，平林北去指青陵。垂纓作吏成何事，拔劍懷人獨撫膺。蝮蛇蛟龍日滿眼，翠屏愁絕不堪凭。

荅弟奉孺

日夕幽憂憶故鄉，衰秋蕭索更彷徨。不堪俗吏

呼牛馬，孰是仙人翳鳳皇。白紵有誰同陸弟，桃花應自笑劉郎。西園梨棗還應熟，把酒看雲愁

更長。

來詩有仙人翳鳳皇之句。

南徐逢王侍御

路入南徐霽色新，碧山盡出點江濱。相逢岐路愁仍破，坐訝襟期情更親。鹽筴不堪酬聖主，埋輪真喜有歸人。自慚三省蹉跎久，不恨摧殘清路塵。

夕泊湖上

平沙萬里接彭城，獨自驅車媿遠征。
天際斷蓬飛更落，蘆中寒鳥宿還吟。
湖開雪掩孤帆暗，日暮雲吹野火生。
歲盡故園歸不得，臨歧多少解纓情。

歲盡自任城還梁書懷呈兩省僚友

回首青春逼歲除，何嫌終日獨驅車。
慣看故國山川近，乍覺梁園冠蓋踈。
霞嶠漸開初上日，朔鴻誰寄北來書。
椒花兄弟堪成頌，應笑栖遲更蘧蔭。

牡丹有綠蝴蝶一種，白色多含薄含微。
綠品之最也。開時少，晚客偶餉數枝，聊為賦之。

素質孤芳自可疑，恍從天上乍離披。
月明坐覺寒無影，花發偏教春更遲。
碧樹那堪分曉色，草虫何處共幽姿。
却愁玉骨隨風起，折取繁香第一枝。

夏日小亭二首呈積齋臺長

萬里晴空日正長，翠屏斜倚竹方牀。
邊烽近有

平安火御苑真恩敕
勒漿滿樹鳥聲催暮景
空亭草色散新涼
坐看直北關山迥
遮莫孤雲遶太行

二

即看乳燕傍堦綦
何事新花吐故枝
判取萬金書未到
若為千里夢相隨
忍從青瑣思明聖
新報丹青渝島夷
日暮空園還悵望
吟成梁甫苦低垂

巡行河上即事

五月樓船煙水深
流波渺渺自驚心
長空漭湧羣山秀
新雨遙含萬里陰
薄宦詎能羞蹇拙
負薪真自共悲吟
葭蘆宿莽叢叢綠
照映幽憂坐不禁

二

金堤遠望勢猶蹲
更聽勞歌出野村
激水回風兮鷁首
橫天孤日隱龍門
輕舟背捲波聲穩
夾岸斜開草氣昏
聞道桑浮易衝鬪
扣舷愁思不堪論

懷京邑友人

黃河悵望恨綿綿，雪浪搖空夕拍天。
垂黛縱橫迷別浦，叢雲亂墮入歸船。
鄉書懶寄驚千里，交態全踈更二年。
惟有西湖舊時月，微茫仍到故人前。

寄馬驃騎健甫先生

汴水燕山路不迷，每懷耆舊倍淒淒。
別來書問經年少，老去新詩異代齊。
閭里雲霞堪豹隱，故人車馬似雞栖。
紫芝叢桂應無恙，揮淚鄉書不

忍題

夜泊

鳥啼虫思夜將闌，隱几淒清坐自寬。
白日鎮長離故里，青雲不復憶長安。
歸舟月出吹臺迥，古木秋生河水寒。
却有征鴻亂愁思，數行容易坐中看。

寄王大

遠宦思君意若何，幽懷長日自婆娑。
朱門寧有高人榻，白練應分道士鶩。
千里歸鴻鳴夜雨，半

空星斗汎秋河揮毫坐憶偏愁思何日重携問
薜蘿

寄殷從事

離懷偏自憶幽人丘壑無端倍損神招隱忍論
濠上樂望歸更憶甕頭春此身漸自償多病何
日提携共卜鄰松雪芝霞定相憶長吟羞寄客
愁新

夏日寄京邑同好

強起空庭對寂寥獨行極目更迢遙斜日歛紅

烟轟轟晴雲擁碧雨蕭蕭經年需次堪微祿多
病妻迷媿聖朝白水青楓共惆悵故園魂去不
須招

淮上書懷

三年猶自役河渠千里還能奉簡書詎有舟航
同寂寞真從魚鱉共踟躕新開瓠子功應就舊
役桑浮計未踈組繡玉魚堪上賞勞歌苦作竟
何如

送積齋王方伯之楚中

積齋舊官楚中

空星斗汎秋河揮毫坐憶偏愁思何日重携問
薜蘿

寄殷從事

離懷偏自憶幽人丘壑無端倍損神招隱忍論
濠上樂望歸更憶甕頭春此身漸自償多病何
日提携共卜鄰松雪芝霞定相憶長吟羞寄客
愁新

夏日寄京邑同好

強起空庭對寂寥獨行極目更迢遙斜日歛紅

烟矗矗晴雲擁碧雨蕭蕭經年需次堪微祿多
病淒迷媿聖朝白水青楓共惆悵故園魂去不
須招

淮上書懷

三年猶自役河渠千里還能奉簡書詎有舟航
同寂寞真從魚鱉共踟躕新開瓠子功應就舊
役桑浮計未踈組繡玉魚堪上賞勞歌苦作竟
何如

送積齋王方伯之楚中

積齋舊官楚中

三年秉憲鑑清秋，新奉天書惣上游。
楚國自能尋客思，夷門仍復望君留。
瀟湘古樹香迎馬，峴首寒雲花覆舟。
最是下文堪白首，臨歧樽酒詎能酬。

贈北山張老

北山隱者自名賢，卜築遙臨順聖川。
門掩芙蓉春片片，屋飛乳竇日前湔。
老妻負畚能供饋，鄰里持鋤共壓田。
長夏相逢劇談笑，一尊清話太平年。

春日與吳顧君子飲麥莊橋

空原閒日正遲遲，菜果招邀幸不欺。
聯席各斟渾縱飲，科頭便坐共題詩。
酒人正可酣燕市，漁父應能和楚辭。
滂向溪邊更留滯，桃花漸萼柳生萋。

答崇岡王孫湖亭留飲投贈

高臺偏近古丹丘，迢遞晴湖愜晚遊。
一片平林催落日，滿城寒雨報清秋。
客從朱邸開佳宴，座有黃花散旅愁。
莫訝飄蓬成盛事，興來更上水

三年秉憲鑑清秋，新奉天書惣上游。
楚國自能尋客思，夷門仍復望君留。
瀟湘古樹香迎馬，峴首寒雲花覆舟。
最是下交堪白首，臨歧樽酒詎能酬。

贈北山張老

北山隱者自名賢，卜築遙臨順聖川。
門掩芙蓉春片片，屋飛乳竇日前湔。
老妻負畚能供饋，鄰里持鋤共壓田。
長夏相逢劇談笑，一尊清話太平年。

春日與吳顧君子飲麥莊橋

空原閒日正遲遲，菜果招邀幸不欺。
聯席各斟渾縱飲，科頭便坐共題詩。
酒人正可酣燕市，漁父應能和楚辭。
滂向溪邊更留滯，桃花漸萼柳生莢。

答崇岡王孫湖亭留飲投贈

高臺偏近古丹丘，迢遞晴湖愜晚遊。
一片平林催落日，滿城寒雨報清秋。
客從朱邸開佳宴，座有黃花散旅愁。
莫訝飄蓬成盛事，興來更上水

邊樓

水邊主人樓名

秋日同余司隸宴朱氏別業二首

空村宛衍控清流十畝方塘事事幽
蓮葉生香橫曲岫長松惣翠漾高樓
還從遺跡誇金埒坐見仙源向御溝
小隊紅旗堪悵設高情真自足淹留

二

平湖演漾照空陂十二雕欄日未移
滿座林花迷晚吹一溪菱芡汎清漪
五侯炊鼎情何極三

雅香醪醉不辭同學故人狂更劇
及時行樂莫須疑

與余司隸同遊吳監別業

舊日僕曾讀書其中今數

易主感其蕪廢因為賦詩

片片空亭間水濱草青苔厚自無塵
誰為濠上知魚者徒有門前題鳳人
蘭菊幽香驚列騎菰蒲寒色覆比隣
舊遊回首堪悽斷不為孤懷獨損神

殷從事自楚中見懷奉和原韻却寄

一溪潦水晚淙淙忽有音書叩小窻野老移家
堪朔漠故人發夢隔湘江秋來蝦菜多成醉日
暮賓鴻飛自雙搔首開緘淚沾臆幽懷空復對
銀缸

七言排律詩二首

廣陽山魏氏村作

廣陽山色與天齊晴霽平看函谷西數畝薄田
新刈麥半峰茅屋乍聞雞黛添百里收熊耳影
出三川送馬蹄叢竹半遮涼自積襍英四蔽日

初低忽逢洞口還疑暗却辨巖空似可栖井鑿
石泉從客飲花門桃樹使人迷避秦詎是經年
歲逃世何妨有路蹊古木毳毛旋乳鳥空村落
翠變新泥牽櫳回顧三河永握節遙聞萬騎嘶
濁酒自堪酬白月塵情真媿駐青驪樵風不逆
還搔首獵火遙看獨杖藜滿目自嗟來勝地虛
名何事挂金閨還期邴薛酬微志好待重尋草
色淒

驪山懷古十四韻

西從清渭望長安寄興重嗟行路難隔岍驪山
新雨散半天秦樹曉煙殘漢宮寂寞還丘菴唐
室崔嵬自碧壇遶砌青苔餘布濩連峰翠栢照
嶺岍長生何日留空殿吊古無端對曲欄玫瑰
幾層明閣道沉香十杖轉闌干仙雲不度凝珠
佩乳冗分流應玉鑿翠華自來龍作馭絳綃爭
簇鳳為冠霓裳催拍雲中住瑞鳥啣花霧裡看
夕駕驂騶鳴萬隊曉行旌蓋集千官荔支跋涉
常傳食玉樹團圞每合歡潯水射蛟無敵寶漁

陽飛檄有征鞍莫言驕侈堪惆悵露濕空宮樹
樹寒

薊丘集卷之二十七終

薊丘集卷之二十八

薊丘王嘉謨伯俞 著

門人關中盛以弘子寬

友人濱州王文運子相

弟 嘉詔奉孺校

五言絕句九十二首

閨怨

草露無風落獨立侵珠履
遙見長安陌處處
塵起

二

黑山萬里外路遠愁偏近不信出門看樹蔽漁陽郡

塞上曲

黃沙皎如雪白草凜如霜永夜愁多夢何曾到故鄉

二

驂騑戀美草一步一聲嘶長城無遠近白首逐霜蹄

三

羌笛愁明月春來不似春梅花何處落喚起隴頭人

四

玉漿調雪乳蘆管胡旋舞朝獵暮來歸射殺南山虎

古曲

簾櫳何寂寞粧罷下階行羅裙真自好春草遠相迎

怨辭

缺月何復圓清光迴庭樹少婦已登堂頻頻猶自顧

二

晚洲漸吐月葉聲墮滿堦獨臨水檻坐忽見寒風來

古怨

林鳥吊新雨空閣少人行獨眠誰與共明鏡澗春情

二

幽閉不知春乍見堦前草攬帶自無言何能慰懷抱

秋怨

樹樹梧桐葉風雨隨飄泊多少愁人情忍向堦前落

二

金閨晝亦暗芳樹還無色無事共秋空相隨到曛黑

采蓮曲

采蓮向橫塘，繫舟烏白樹。不肯逆潮歸，風波望相遇。

少年行

斜坐五花驄，炙笙明月下。春風盡日行，行歸洛陽社。

二

拓弓鳴霹歷，一發獸雙連。停鞍馱石火，風急不能然。

三

咸陽輸百萬，復過新豐里。般車囊製寶刀，脉脉遙相視。

春曲

良人新罷獵，春酒足芳筵。不敢憑恩寵，樽前聊割鮮。

二

空庭吹積雪，照見踈櫺中。美人惜羅綺，不敢嬌春風。

梅

顧盼空庭裏幽香霽色新東風無限好何似早
梅春

西園遣興

香蘭屏微風好鳥鳴高枝清天望杳渺何由寄
所思

二

杯酒常自飲頗狎桑麻情高枕夕陽下卧看春
自生

三

長日掩柴門無復經行客白雪媚春蘭紛紛落
枕席

偶題

遠雨漸入林隨風吹客衣殷勤問獨鳥何事宿
還飛

和孫劍峰司隸十絕

清曉謁承明還卧香楓寓良朋有新詩欣賞成
高趣

吟成

樹色隱堦除憑情每自吟獨慚篇成後寥落非清音

客至

嘉賓時造膝亭臯足晚涼何當發清興襟情向渺茫

觀魚

清池涵綠蘋輕風來習習竹影誤驚魚浮沉何太急

酌雨

卸杯向庭下酒盡吾自斟幽懷款將夕高樹下踈霖

槐陰

槐風轉空庭餘花著前幔日夕碧陰迴浸彼藏書案

新竹

一畝軒前竹初條處處垂臨風何綽約嘒嘆對新姿

書堂

獨自敞庭帷披襟對幽祕遙看日影移悠悠照
雙屐

竹軒

藜竹積清陰間卧曲吾股殘霞帶葉來入牖婆
娑舞

竹葉湯

稚子連烟剪烹迴露葉香嗜此清顏積况復著
中腸

招靈寺旅寓立秋日

迢迢山寺裏昨夜露華濃朝來非帶雨寒滿塔
邊松

旅館荅人

金鉞皎如雪鷓鴣飾新痕不是長安兒沙場方
報恩

湖上雜題

新槐覆春水綠秀漾空舟無人若為伴到處有
沙鷗

二
寂寞西山路寒雲與岫青滄浪有同趣愁更向
誰醒

山行

獨自尋山處沿途草色空西湖回望迥疑在雨
聲中

泛湖上

羣山競凝翠彷彿墮西湖蕩槳中流去汭洄何
處無

宿山家

新月掩殘照烟蘿滿亭臯夜來渾不寐孤坐聽
松濤

海塾庭前作

北風吹山雨開牖濕衣裳幽人午醉醒獨坐怯
新涼

海塾雨中

歸心憑夢寐杳杳匝寒峰醒來驚雨色愁倚屋
邊松

登吳監望野樓

花檻微陰轉高樓野望明坐看湖色靜千里暮
雲生

吳監別業泛舟

竹影連松嶂清池錦纜開荷風日欲晚瀑水蕩
船迴

蘆溝精舍王大枉贈律詩一首聊用為
答

日與青門別縱橫射獵餘故人何用問不復著

新書

太僕莊雨中望丫髻山

丫髻雙峰秀芙蓉歛翠新陽臺何處夢暮雨送
歸人

盤山飛來峰下作

一峰還壁立聞道已千秋飛來猶可識古意若
為留

即事

坐久喧還作無憑遣此情遙看夕陽盡寂寞一

相驚

小園襍詠四首

空園鄰古寺
杳杳花源遠
門開平楚斜
鳥過晴山晚

右小園

淼淼清泉溢
低昂作曲塘
不須愁獨醒
舉目即滄浪

右瀦澤

朝飲酒一石
暮讀騷百篇
幽居解如此
元不企

名賢

右飲酒

月滿林泉秀
披襟坐小亭
不嫌驚宿鳥
露灑半山青

右夜坐

秋日荅人

瀑水增松響
寒花散遠天
重陽雖已近
風雨倍年年

雪中泛岫嶠河小舟作

朔漠雲無色
桑乾凍不流
誰為戴安道
不惜獨登舟

贈人

青山本無主
高士共知心
浪跡誰相慰
丘中自有琴

贈高錄事

白首無知己
含光舊有神
箭中鳴不已
結客莫論貧

贈蔡虞侯

聞道盤龍峪
寒潮處處流
鴈飛何日到
水凍不防秋

二

胡女顏如玉
琵琶寫怨聲
無情漢時月
空向玉關明

獨坐寄人

春來花似霰
愁至酒如泉
還餘可憐意
獨坐夕陽前

復愁二首

自歎田園客長愁愧此心彈琴向幽石綠水共知音

二

長策無尺寸片心千載同莫言泉石癖猶可應非熊

午憩菑水思家

思家腸已斷况復隴山頭帝京天萬里雲白不堪留

石鍾山有白雲洞為狄梁公遺迹即事

一首

心期寧有合愁意媿遺芬江頭回首處日日五湖雲

泊餘干

月滿湖常白林昏山更明夜來愁意積處處夢猿聲

河豚渡夜泊偶成二首

夕泊河豚渡雲昏山自聚極目不逢人孤燈濺江雨

已覺別恨長更有歸期遠古渡獨悲歌雨聲出
絕巘

發京口

一罇京口酒四望大江流憑高歸故里縱轡入

清秋

河上送家人北還口號

念爾三年別妻其返故林何須更臨水舉目自
傷心

酉園八詠有序

念郁公至行君子也僕往在 禁中托契

甚至頃參汴臺復得同事屬君引疾南還

僕無以留之因為題酉園八絕君獨往高

勝之懷誠非菲陋可企然行有隆庠趣無

差異倘僕一朝為山澤之游即闕名園期

非唐突云爾謬蒙期待軒冕故不足論也

蜿蜒鬱霏藍只尺龍山樹自有綉衣人蚤向山

中住

右龍嶽嶙峋

高崗擁亂樹積翠自難分
名阡何處是白日起
寒雲

右獅岡雲樹其先墓在焉

半壁峙城東小園堪寂寞
日暮一帆歸影入蕪
城雪

右三城暮雪

朝望百子山夕望百子山
早霞寒不散隨意自
飛還

右百子朝霞

遙觀金界麗掩映竹房清
午餘庭宇寂深樹送
鍾聲

右古寺踈鍾

雲起石門山猿啼皖口樹
隱隱數帆輕不辨橫
溪路

右橫溪遠棹

莫訝田園近中林興自新
朝來望烟火賸有萬
家春

右萬家烟火

風月應無主幽人意自宜誰能論世事終日守
東陂

右四時風月

海誓精舍題壁二首

習靜空山裏幽思無限生白雲如有意霑濕曲
窓明

二

晴雲落松子寒翠偃參差踈懶憑誰問科頭自

詠詩

汝州風穴寺八詠

紛紜散丹磴片片石華青獨共幽人意還來倚
翠屏

右錦屏風

宛宛珍珠簾寒泉自不竭詎有弄珠人山中卧
明月

右珍珠簾

鑿翠門常啓當年獨隱栖客來懸榻處春鳥滿

山啼

右吳公洞

白石控長虹演漾不知處長嘯問遺踪澗水還
東去

右仙人橋

蒼崖橫谷口中有大慈泉寒聲不可攬空翠日
濺濺

右大慈泉

孤臺偏岌業上上堪清映白月出微微偏照空

山靜

右翫月臺

幽阜傳清籟高樓終日空秋來落葉遍何處送
微鍾

右懸鍾樓

暮鳥半歸山登亭見古道抱膝獨悲歌落翠無
人掃

右翠嵐亭

偶題亭竹

為問亭前竹何時有主人山中一夜雨上簷自
然新

初春中夜食藏果生葡萄香味滋色種
種殊絕偶成口號二絕

枝枝紫水晶烟露如可掇不為歲寒欺足解相
如渴

二

已過苦寒月餘香特地生冰姿渾足訝疑是對
金莖

古艷曲二首

香剖櫻桃乳衣翻柿蒂紅美人春睡足終日坐

簾櫳

櫻桃乳香名

二

試望前溪路秋風欲上潮巫山一夜雨幽夢滿
芭蕉

六言絕句六首

五遊詩并序癸未十月作

自卯年及今五載足跡所歷者五皆汗漫

之游也歲行盡矣始歸故園恍若有失遂
作五游詩紀於壁

微雲澹澹何處翠屏寂寂春寒簾捲乍驚暮雨
終朝不整衣冠

右高臚丞齋房

閣道金沙灑落鳳皇列羽丰茸獨上每逢苦雨
春來不辨西峰

右朱司隸翔鳳山亭

寺外高城低黯園中潭色澄清倚壁科頭獨坐

夕陽無限鍾磬

右淤泥寺

松色一庭寒翠柳條十里濃陰窓下新詩欲就
山中暮鳥羣吟

右雪舸先生海塾別業

步屨後園梨柿桔槔古井寒泉六月炎天不熱
間看魚鳥孤眠

右何將軍青菰村別業

丹稜泝獨立

處處涼風浙瀝連
山日夕霏微多少
紅蕖自照
循岨數里忘歸

薊丘集卷之二十八終

